

სახელმწიფო შესყიდვის
ხელშეკრულება
N 2288/24

ქ. თბილისი

6 თებერვალი 2014 წ.

ერთის მხრივ საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო (შემდგომში – შემსყიდველი), წარმოდგენილი მინისტრის პირველი მოადგილის გოგი ფაცაციას სახით და შპს „მაგთიკომი“ (შემდგომში - მიმწოდებელი), წარმოდგენილი საზოგადოების გენერალური დირექტორის მოადგილის გია კოშორიძის სახით მეორეს მხრივ, ვდებთ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. სახელმწიფო შესყიდვის ხელშეკრულება (შემდგომში – „ხელშეკრულება“) – „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე დართული ყველა დოკუმენტით, რომლებზეც ხელშეკრულებაში არის მინიშნებული;
- 1.2. შემსყიდველი ორგანიზაცია (შემდგომში „შემსყიდველი“) - ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. მიმწოდებელი ორგანიზაცია (შემდგომში „მიმწოდებელი“) - ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4. ხელშეკრულების ღირებულება - ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

მუხლი 2. ხელშეკრულების საგანი

2.1. ხელშეკრულების საგანს წარმოადგენს „საქართველოს 2014 წლის სახელმწიფო ბიუჯეტის შესახებ“ საქართველოს კანონით გამოყოფილი ასიგნებების ფარგლებში სამინისტრო ცენტრალური აპარატის საჭიროებისათვის ერთ ნომერზე USB მოდემის (88130075) საშუალებით მაგთიფიქსის მაღალსიჩქარიანი ინტერნეტ კავშირის მომსახურების სახელმწიფო შესყიდვა.

2.2. CPV - 72400000 “ინტერნეტ მომსახურებები”;

2.3. შესყიდვის საშუალება - „გამარტივებული შესყიდვა“, საფუძველი საქართველოს მთავრობის 2012 წლის 26 სექტემბრის N1805 განკარგულება.

მუხლი 3. ხელშეკრულების ღირებულება

3.1. ერთი თვის მომსახურების მიწოდების ღირებულება შეადგენს 45 (ორმოცდახუთი ლარი) ლარს, საქართველოს კანონმდებლობით დადგენილი შესაბამისი გადასახადების გათვალისწინებით;

3.2. ხელშეკრულების ღირებულება შეადგენს 450 (ოთხასორმოცდაათი ლარი) ლარს, საქართველოს კანონმდებლობით დადგენილი შესაბამისი გადასახადების გათვალისწინებით.

მუხლი 4. მხარეთა უფლება-მოვალეობანი

4.1. „მიმწოდებელი“ ვალდებულია:

4.1.1. უზრუნველყოს წინამდებარე ხელშეკრულების მე-2 მუხლით გათვალისწინებული მომსახურების გაწევა. იგი პასუხისმგებელია გაწეული მომსახურების ხარისხზე და მიწოდების დროულობაზე, საქართველოში მოქმედი კანონმდებლობის შესაბამისად;

4.2. პასუხს აგებს და სრულად უნაზღაურებს „შემსყიდველს“ მისთვის მიყენებულ ზარალს;

4.3. „შემსყიდველი“ ვალდებულია მიმწოდებლის მიერ ხელშეკრულებით ნაკისრი და შესრულებული ვალდებულებები აანაზღაუროს სრულად;

4.4. “შემსყიდველი” არ აგებს პასუხს “მიმწოდებლის” მიერ მესამე პირის მიმართ ნაკისრ ვალდებულებებზე. მესამე პირისათვის მიყენებულ ზიანზე ან/და ზარალზე.

მუხლი 5. მომსახურების მიწოდების ადგილი

5.1 მომსახურების მოწოდების ადგილია მიმწოდებლის რადიოსატელეფონო მომსახურების დაფარვის ზონა.

მუხლი 6. მომსახურების მიღება-ჩაბარების წესი

6.1. მომსახურების მიწოდება ჩაითვლება გაწეულად მხოლოდ შესაბამისი „მიღება-ჩაბარების“ აქტის გაფორმების და მოქმედი კანონმდებლობით გათვალისწინებული დოკუმენტაციის წარმოდგენის შემდეგ, თუ ხელშეკრულების პირობებით სხვა რამ არ არის გათვალისწინებული;

6.2. შესყიდვის ობიექტის მიღება-ჩაბარების და საბოლოო შემოწმების ადგილი, პირობები და წესი ასახულია ხელშეკრულების პირობებში;

6.3. შემსყიდველის მხრიდან მიღება-ჩაბარების აქტს ხელს მოაწერს სამინისტროს ადმინისტრაციული დეპარტამენტის მატერიალურ-ტექნიკური უზრუნველყოფის სამმართველოს წარმომადგენელი.

მუხლი 7. ხელშეკრულების ინსპექტირების პირობები

7.1. „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს მომსახურების შესყიდვის მიმდინარეობის შესაბამისობის შემოწმება ხელშეკრულებით გათვალისწინებულ მოთხოვნებთან;

7.2. „შემსყიდველის“ მხრიდან ხელშეკრულებით გათვალისწინებული მოთხოვნების შესაბამისობის ინსპექტირებას განახორციელებს, სამინისტროს ადმინისტრაციული დეპარტამენტის მატერიალურ-ტექნიკური უზრუნველყოფის სამმართველო;

7.3. ინსპექტირების შედეგად გამოვლენილი ნებისმიერი ნაკლოვანების გამოვლენის შემთხვევაში „შემსყიდველი“ დაუყოვნებლივ აცნობებს (წერილობით) მიმწოდებელს. ამასთან, გამოვლენილი ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

მუხლი 8. გაწეული მომსახურების ხარისხი და გარანტია

8.1. „მიმწოდებელი“ იძლევა გარანტიას, რომ მის მიერ მიწოდებული მომსახურება იქნება მაღალხარისხიანი და უწყვეტი, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს გამოვლენილი ხარვეზების აღმოფხვრა და შემსყიდველისთვის მიყენებული ზიანის ანაზღაურება.

მუხლი 9. ანგარიშსწორების ფორმა, გრაფიკი (ვადები) და ადგილი

9.1. ანგარიშსწორება ხორციელდება საქართველოს ეროვნულ ვალუტაში (ლარი), უნაღდო ანგარიშსწორების ფორმით, გაწეული მომსახურების შესაბამისად, მოქმედი კანონმდებლობით გათვალისწინებული ნორმების დაცვით;

9.3. გაწეული მომსახურების ანაზღაურება განხორციელდება ეტაპობრივად, მიღება-ჩაბარების აქტის გაფორმების და მოქმედი კანონმდებლობით გათვალისწინებული შესაბამისი დოკუმენტაციის წარმოდგენის შემდეგ, 10 (ათი) საბანკო დღის ვადაში;

9.3. ანგარიშსწორების ადგილია ქალაქი თბილისი.

მუხლი 10. ფასები

10.1. წინამდებარე ხელშეკრულების მე-3 მუხლში დაფიქსირებული მომსახურების ფასი წარმოადგენს ხელშეკრულების ღირებულებით პარამეტრს და მისი გაზრდა დაუშვებელია;

10.2 ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისთვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

10.3. „საქართველოს სამოქალაქო კოდექსის“ 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

მუხლი 11. ხელშეკრულებაში ცვლილებების შეტანა

11.1. ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები;

11.2. წინამდებარე ხელშეკრულების პირობების შეცვლის აუცილებლობის წარმოშობის შემთხვევაში, ცვლილებების შეტანის ინიციატორი ვალდებულია აღნიშნულის თაობაზე წერილობით შეატყობინოს მეორე მხარეს. ამავე დროს, „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულება იმ გარემოებებთან დაკავშირებით, რის გამოც წარმოიშვა ხელშეკრულების პირობების შეცვლის აუცილებლობა;

11.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის (შეთანხმება) სახით, რომელიც ჩაითვლება ხელშეკრულების განუყოფელ ნაწილად.

მუხლი 12. უფლებების გადაცემა

12. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

მუხლი 13. ფორს-მაჟორი

13.1 საქართველოში მოქმედი კანონმდებლობის შესაბამისად, ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების (საქართველოში მოქმედი კანონმდებლობის შესაბამისად) დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

მუხლი 14. მხარეთა პასუხისმგებლობა ხელშეკრულების პირობების დარღვევისათვის

14.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შედეგად მიყენებული ზარალისათვის მხარეები ერთმანეთის წინაშე პასუხს აგებენ მოქმედი კანონმდებლობის შესაბამისად;

14.2 ხელშეკრულებით გათვალისწინებული ვალდებულების არაჯეროვნად შესრულების შემთხვევაში, შემსყიდველი უფლებამოსილია ცალმხრივად, ყოველგვარი ახსნა-განმარტებების წარდგენის გარეშე, შეწყვიტოს ან შეაჩეროს წინამდებარე ხელშეკრულების მოქმედება და დააკისროს მიმწოდებელს მიყენებული ზარალის ანაზღაურება.

მუხლი 15. ხელშეკრულებიდან გასვლა

15.1. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით;

15.2. ხელშეკრულებიდან გასვლასთან და ზიანის ანაზღაურებასთან დაკავშირებით გამოიყენება ეს ხელშეკრულება და მოქმედი კანონმდებლობის მოთხოვნები;

15.3. წინამდებარე ხელშეკრულებიდან შემსყიდველის ვადაზე ადრე გასვლის შემთხვევაში, „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულება იმ გარემოებებთან დაკავშირებით, რის გამოც წარმოიშვა ხელშეკრულებიდან გასვლის აუცილებლობა.

მუხლი 16. დავების გადაწყვეტის წესი

ხელშეკრულების დამდები მხარეები თანხმდებიან მასზედ, რომ პირდაპირი არაოფიციალური მოლაპარაკებების მეშვეობით მოაგვარებენ მათ შორის წარმოქმნილ ნებისმიერ უთანხმოებას და დავას, ხოლო შეუთანხმებლობის შემთხვევაში მიმართავენ სასამართლოს, საქართველოში მოქმედი კანონმდებლობის შესაბამისად.

მუხლი 17. მომსახურების მოწოდების პერიოდი

17.1 მომსახურების გაწევის პერიოდად დადგენილია ვადაა - ხელშეკრულების გაფორმებიდან 2014 წლის 31 დეკემბის ჩათვლით.

მუხლი 18. ხელშეკრულების მოქმედების ვადა

18.1 ხელშეკრულება ძალაშია მისი ხელმოწერიდან და მოქმედებს 2015 წლის 31 იანვრის ჩათვლით.

მუხლი 19. სხვა პირობები

19.1. ხელშეკრულება შედგენილია ქართულ ენაზე 3 ეგზემპლარად და სამივეს აქვს თანაბარი იურიდიული ძალა.

მუხლი 20. მხარეთა იურიდიული მისამართები და რეკვიზიტები

შემსყიდველი:

საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო

ს. კოდი 200037646

მის: ქ. თბილისი თამარაშვილის 15ა

ტელ: 2 31 15 80

სახელმწიფო ხაზინა

ბ. კოდი 220101222

ა/ა 200122900

მიმწოდებელი:

მიმწოდებელი:

შპს "მაგთიკომი"

საიდენტიფიკაციო კოდი: 204876606

ქ. თბილისი, პოლიტკოვსკაიას ქ. №5, 0186

ტელ/Tel: (995 32) 217 17 17; (995 32) 217 17 77;

მობ/Mob: 595 151313;

ფაქსი /Fax (995 32) 2171 171; (995 32) 2171 170;

ელ.ფოსტა/email:office@magticom.ge;

ndavitashvili@magticom.ge

საქართველოს ბანკის ცენტრალური ფილიალი:

ანგ.№ GE 66 BG 000 0000 241 607 901

კოდი № BAGAGE22

მინისტრის პირველი მოადგილე
გოგი ფაცაცია



გენერალური დირექტორის მოადგილე
გია კოშორიძე

